

Abonnement pour un an:

250 piastres

Edition spéciale 300 piastres

Adresse:

Idjtihad Constantinople

Téléph-St, 865

XXème ANNÉE

Février 1925 — No 174

# اجتهاد

فلسفی ، اجتماعی ، ادبی ، اقتصادی مجموعہ

آلومنانہ سنہ لکي [ ۲۱ - نسخہ ]

داخل ایچون ۰ ۲ خارج ایچون  
۲ ۱/۲ اعلا کاغذایی ۵ ایرادر .

اداره خانہ سی

جفال اوغلانده « اجتهاد ٹھوی »

تلفون : استانبول ۸۶۵

یکرمینجی سنہ

نومرو ۱۷۴ - ۱ شباط ۱۹۲۵

## دارالفنون لیبر حادثه سی

علمی بر مؤسسه عائد اولدینی ایچون حادثه عیلاقه دارز . مجار و تورک دارالفنونلی لک علمی و فکری برعائله حالنده طوپالانا جاقلری سپلانیدیدصالوننده اغیارک بولونما ماسی آرزو اولونمش ؛ داها اول کلوب بوسالونده یرلشمش اولان و دارالفنونلی لر کلدکدن صوکره دخی اوراده اوطور . مایه دوام ایتمک ایستین اجنبی بر ذات ایله بردارالفنونلی آرسنده کی بر مناقشه ، حادثه نیک روحی تشکیل ایتمشدر محذب الطرفین قوتلی بر عده آرقاسندن تماشاییتدیریلن حادثه بوندن عبارتدر . چوق تأسف ایتمیه و قیزارمیه شایاندر ، که اک یوکسک مؤسسه علمیه من اولان دارالفنونه و بونک باشنده بولونان محترم رفیقمن دارالفنون امینی اسماعیل حتی بکه هجوم ایچون بعضی کیمسه لجه بو حادثه نعم الوسیله اتخاذ اولوندی . بودورلو حادثه لر هر مملکتنده جریان ایده یلمش فقط هیچ بر یرده بوقادار اعظام اولونما مشدر . دارالمعلمتده و یریلن بر مسامره ده دانس ایدیش اولماسنی ده بر مسئله حالته قویماق و تکذیب و تأیید لره موضوع یا پماق ایسه ، هیچ لایق کورولمه مشدر .

«ده ماغوجیا» نك سفیل وماده پرست ماهیت مضره سی معلومدر . حادثه ده رنجیده اولان اوروپالی ذات بیه «کنجلك بر نه رکبی در بعضاً جوشار و مجراسنک خارجنده بعضی خسار لر یا پایلیر» یولنده حکیمانه و عالیجنابانه ملا حظه ده بولونورکن علی العاده ومنفرد بر حادثه نی دارالفنونک شخصیت حکیمه سنی الفا فکری نی الهامه قادار وارما منظر اخلاقیمزک منصف اولمایان بر تجلیسیدر .

دارالفنونزک و دارالفنونلیلرمزک آوروپا و آمریقا دارالفنونی و دارالفنونلیلری مرتبه سنده اولما دیق لر نی بیلیرز کندیلرنده تجلیسنی بکله دیکمز روحه هنوز مالک اولما مشدر در (اجتهاد) ک حریت فکریه سنک سلطنت حتی مع الاسف جمهوریت زماننده اوغرا دینی تعرضلر و حریت تفکر علیهنده محکمه لر مزده و یریلن قرارلر کی هر بری حر و ومنور بردارالفنونه قیامت لر قوپار تاجاق قادار وخیم اولان فکری و وجدانی حادثه لر حضورنده لاقید و لاحتیات

قلمش اولمالری دلالتیه بونک بویه اولدینی کلاشیلمشدر . [ ] فقط دنیا ده فردی واجتماعی هر موجودیتک بر حیات ابتدائیی و چراقلق دوری اولماق ضروریدر . بزده (دارالفنون) حیاتنک برخایلی سنه لر برادمان وشروع حیاتی یاشاماسنک ضروری اولدیغنه ، قانعز ؛ بزم بو فکر مزله ابتدائی وتالی مکتبلره لایق اولدینی درجه ده ومکاتب عالیهنه داها زیاده اهمیت و یریک لزومنه قناعتمز اره سنده بر تضاد یوقدر .

حریت یالکیز از برلنمه سی حتی ا کلاشیلما سی بیه کافی اولان بر کله دکلدر . او ، یاشانا جاق بر حیاتدر . حریت بزده ، هنوز معدمه مزک خارجنده طوران بر غذا ویا دوا حالنده در . حریتی سون ، و تقدیر ایدن وبونا لایق ملت لر حریتک وبالخاص حریتلرک اقدم واقدسی اولان فکر و وجدان حریتک بشیی اولاجاق بیر مؤسسه یه بوقادار قییمازلر .

عبدالله جودت

## مالی واقتصادی ستون

## ویرکینک عناصر پسیقولوجیایه سی

داها بر قاچ سنه اولنه کلنجه یه قادار ، قلاسیک علم روح ، فوائد عملیه دن محروم ملاحظات نظریه دن ترکیب ایدیوردی . رجال دولت غنغننک میراث بر اقدینی و کفایت سزلیکی اکثریا میدان چیقان قابا تجربه محصولی قاعده لری کندیلرینه رهبر اتخاذ ایدیورلردی .

حرب و حربی تعقیب ایدن بتون وقایع پسیقولوجیایی ، علوم نافعهنک ایلك صنفه قویدی انسانلرک حسیات و احتراصلر نی قوللانا مق صنعتنه غیر مطلع بولونورسه ، بر قومک اموری ناصل تمشیه ، اردولر یا خود کوچوک بر دارالصناعه ناصل سوق و اداره اولونور ؟

[۶] ۱۴۹۱ نومرولو (اجتهاد) ده تورکجه و فرانسه زجه - تفکر حریتی - عنوانی و ۱۷۱ نومرولو (اجتهاد) ده - ولید و واصل بکار حادثه سی - سرنامی مقاله لری او قوبله .